

# “RAIFFEISEN RESEARCH” ЎЗ ТАҲЛИЛИЙ ҲИСОБОТИДА ЎЗБЕКИСТОННИ МАРКАЗИЙ ОСИЁНИНГ “ПОЛЬША”СИ СИФАТИДА ЭЪТИРОФ ЭТДИ.

Жорий йилнинг 17 май куни “Raiffeisen Research” томонидан **“Ўзбекистон иқтисодиётига назар: Польша ва Украина изидан”** (*Uzbekistan Economic Insights: On the footsteps of Poland and Ukraine*) номли таҳлилий ҳисобот чоп этилди.

“Raiffeisen Research” – Австрияning иккинчи йирик банки

“The Raiffeisen Banking Group”нинг таркибий бўлинмаси ҳисобланиб, унинг таркибига кирувчи бошқа ташкилотлар, жумладан “Raiffeisen Bank International AG” ҳамда корпоратив мижозлар учун кенг қамровли макроиктисодий тадқиқотлар ва капитал бозорлари бўйича таҳлилларни амалга оширади.

“Raiffeisen Bank International AG” инвестицион банки – “The Raiffeisen Banking Group” таркибига киради ва асосий фаолиятини Австрия ҳамда Марказий ва Шарқий Европа минтақасида олиб боради.

“Raiffeisen Bank International AG” Ўзбекистон билан кўп йиллик ҳамкорлик тажрибасига эга бўлиб, “Саноатқурилишбанк” АТБ, “Ипотека-банк” АТИБ ва “Uzauto Motors” АЖНИНГ корпоратив облигацияларини чиқариш ва халқаро молия бозорларида жойлаштиришда фаол иштирок этган.

Ҳисобот муаллифларининг фикрига кўра, кенг миқёсдаги ислоҳотлар дастури ортидан Ўзбекистон ўзини **Марказий Осиёнинг “Польша”си** сифатида танитди. Жаҳон молиявий инқирози даврида (2008-2009 йй.) Польша каби Ўзбекистон ҳам 2020 йилги коронавирус пандемияси инқирози шароитида ижобий иқтисодий ўсишни сақлаб қолиб, муқаррар иқтисодий инқирознинг олдини олишга эришди.

Бунга ҳисоботда бир қатор иқтисодий факторлар асос қилиб кўрсатилди. Хусусан:

· **Ўзбекистонда нисбатан юқори иқтисодий ўсиш инқирозга қарши самарали иқтисодий сиёсат натижасидир.**

COVID-19 пандемиясининг салбий оқибатларига қарамай Ўзбекистон ЯИМнинг ўсиши 2016-2022 йилларда ўртача **5 фоизни** ташкил қилди.

Бу, ўз навбатида, Шарқий Европа ва Марказий Осиё минтақасидаги ўртача ЯИМ ўсиш – **2,5 фоизга** нисбатан юқори ҳисобланади.

Таъкидлаш лозимки, узоқ муддатни кўзлаган **оқилона иқтисодий сиёсат, бардошлилик ҳамда инқирозни самарали бошқариш** Ўзбекистонга минтақа мамлакатларига нисбатан юқори иқтисодий ўсишни қайд этиш имконини берди.

Шунингдек, олиб борилаётган **барқарорликни таъминлашга қаратилган фискал сиёсат** давлат қарзини сезиларли даражада (ЯИМнинг 40 фоизидан) оширгмаган ҳолда инқирозга қарши мазмунли курашиш учун замин яратди.

Натижада, нисбатан юқори иқтисодий ўсиш истиқболлари сақлаб қолиниб, уларнинг прогноз кўрсаткичлари 2021-2022 йилларда 5-6 фоиз атрофида бўлиши кутилмоқда.

· **Институционал ислоҳотларнинг биринчи босқичида пул-кредит сиёсати ва банк тизими ислоҳ қилинмоқда.**

Узоқ муддатли институционал ислоҳотлар билан бир қаторда пул-кредит сиёсатини юритиш ва банк тизимини назорат қилишда **Марказий банкнинг мустақиллигини** таъминлаш ҳамда **самарали банк тизимини** шакллантириш – **узоқ муддатли иқтисодий трансформациянинг** мухим босқичи ёки пойдевори ҳисобланади.

Хусусан, Марказий банк мустақил равишда ўзининг консерватив ва чекланган юқори фоиз сиёсатини юритмоқда ва бу, ўз навбатида, инфляцион босим юқори бўлган жорий шароитларда

**асосли ҳисобланади.** Шу билан бирга, юқори фоиз ставкалари **маҳаллий капитал бозорига хорижий инвесторларни жалб қилишда** қўл келади ҳамда валюта курсида кучли тебранишларнинг олдини олишга хизмат қилиши мумкин.

Умуман олганда, ижобий ва узлуксиз капитал оқими Ўзбекистонга кенг миқёсли ислоҳотларни амалга ошириш жараёнида **инвестицион лойиҳаларни молиялаштириш ва жорий операциялар ҳисоби дефицитини қоплаш** учун зарурдир.

Мамлакатнинг 33 млрд. АҚШ доллари миқдоридаги (тажминан ЯИМнинг 60 фоизи) олтин-валюта захиралари 16-20 ойлик импорт харажатларини қоплаш учун етарли бўлиб, Ўзбекистоннинг ушбу жараёнга **яхши тайёрланганлигини** кўрсатади.

- Ислоҳотларни амалга ошириш ва иқтисодий ўсишни таъминлашда хорижий инвесторлар иштирок этмоқда.**

Ўзбекистоннинг хорижий мамлакатлар билан фаол савдо алоқалари натижасида **ташқи савдо ҳажми** сўнгги 5 йилда (2016-2020)

**40 фоизга ошиб,** юқори ўсиш динамикасини қайд этилмоқда. Шунга қарамай, республикада 2026 йилга келиб ташқи савдо ҳажмини яна қарийб 2 баробарга (ЯИМнинг 60 фоизи) ошириш салоҳияти мавжуд.

Самарали пул-кредит сиёсати ва валюта ислоҳотларидан сўнг, халқаро молиявий институтлар ёрдамида **банк тизими ислоҳ қилинмоқда.** Бунда, давлат улуши мавжуд банкларнинг **бозор механизмларига** асосланган бизнес моделига трансформацияси ҳамда 2025 йилга қадар банк тизимининг жами активларидаги давлат улушкини **85 фоиздан 40 фоизга** тушириш кўзда тутилган.

Мақсадли транформация банк тизимидағи рақобатга ижобий таъсир кўрсатади. Шунингдек, эркин бозор иқтисодиётiga ўтиш, нархларнинг барқарорлашиши ва **хусусий секторнинг ривожланиши,** миллий валютада кредитлашнинг ортиши ва узоқ муддатда **долларлашув даражасинининг пасайишига** имкон беради.

- Халқаро банкларнинг Ўзбекистонга бўлган қизиқиши сезиларли даражада ортмоқда.**

Халқаро банклар Ўзбекистон ва республика эмитентларининг

2019-2021 йилларда халқаро молия бозорларида жойлаштирилган жами 3 млрд. АҚШ доллари миқдоридаги **суверен ва корпоратив халқаро облигацияларини** сотиб олиш билан бирга, **7 млрд. АҚШ долларни миқдоридаги кредит линияларини** тақдим этган.

Фарб банклари томонидан Ўзбекистон учун ажратилган кредитлар 2012 йилда 1 млрд. АҚШ долларидан 2020 йилда 6 млрд. АҚШ долларига ошган. Узоқ муддатли истиқболда мазкур кўрсаткичларнинг янада ўсиши кутилмоқда.

Бу, ўз навбатида, Ўзбек банкларининг чекланган депозит базаси натижасида юзага келган молиявий ресурсларга бўлган талабини қондиришга хизмат қиласди.

**[Бизни ижтимоий тармоқларда кузатинг](#)**

[Facebook](#),

2021-05-22 15:47:01